



Page: 8

Reach: 0

Country: BOSNIA AND HERZEGOVINA

Size: 219 cm2

1 / 1

## SIPA uhapsila dvojicu stanovnika Skelana Milenku Trifunoviću zaplijenjen PAT!

Pripadnici Državne agencije za istrage i zaštitu (SIPA) uhapsili su jučer ujutro na području Skelana 47-godišnjeg Milenka Trifunovića, zvanog Čop, a koji je u Sudu BiH osuđen na kaznu zatvora u trajanju od 33 godine zbog genocida počinjenog u Zemljoradničkoj zajednici u Kravici, jula 1995. Osim njega, policija je privela i njegovog prezimenjaka Milomira Trifunovića.

Hapšenje je uslijedilo nakon što su pripadnici SIPA po nalogu Tužilaštva BiH pretresli objekte u vlasništvu Milenka Trifunovića, nakon čega je u pomoćnom objektu njegove kuće pronađeni i zaplijenjen protuavionski top M-55, 20 mm sa jednim dobošom i 50 granata, jedan mitraljez M 53, dvije automatske puške, pumparica,

pištolj i veća količina minsko-eksplozivnih sredstava i municije različitog kalibra.

Nakon jučerašnjeg hapšenja Milenka Trifunovića, kontaktirali smo i njegovog advokata Radeta Golića, koji je kazao da se radi o neosnovanim optužbama.

- Poznato je da konačna odluka o mom klijentu još nije donesena, kao i činjenica ko sve nije bio zadovoljan odlukom Ustavnog suda BiH. Iza svega ovoga stoji šira pozadina, ali sad ne bih o tome govorio, kratko je istakao Golić.

Milenko Trifunović je, nakon izrečene presude u Sudu BiH, uputio apelaciju Ustavnom sudu BiH, koji je utvrdio pogrešnu primjenu zakona, nakon čega je Sud BiH 18. novembra 2013. odlukom



Osumnjičeni tokom privođenja

obustavio izvršenje kazne izrečene Trifunoviću. Tada su na slobodu pušteni i Slobodan Jakovljević, Aleksandar Radovanović, Branišlav Međan i Brano Džinić, koji su bili osuđeni za genocid, te još osam osuđenih za druge zločine.

Trifunović se sada terete za krivično djelo neovlašteni promet oružjem i vojnom opremom, a nakon saslušanja u SIPA bit će predati Tužilaštvu BiH, nakon čega će biti poznato hoće li biti zatražena mjera pritvora za njih. **A. B. Č.**